



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

KPDN LUPUS BARANG RAMPASAN BERJUMLAH RM38.53 JUTA DI SELURUH NEGARA

PORT DICKSON, 22 NOVEMBER 2023 – Kementerian Perdagangan Dalam Negeri dan Kos Sara Hidup (KPDN) telah melupuskan barang rampasan bernilai **RM38.53 juta** melibatkan pelbagai kesalahan di seluruh Negara pada tahun ini.

2. Berhubung program pelupusan barang rampasan yang diadakan pada hari ini, ia merupakan **Majlis Pelupusan Ekshibit Perdana** yang dilaksanakan pada tahun 2023 oleh **Ibu Pejabat Bahagian Penguat Kuasa KPDN Putrajaya** melibatkan pelupusan barang rampasan berkaitan dakwat mesin pencetak di bawah **Akta Cap Dagangan 2019 [Akta 815]** dan **Akta Perihal Dagangan 2011 [Akta 730]** yang bernilai **RM2.9 juta** membabitkan **9 kes**. Program seumpama ini juga turut dilaksanakan oleh pejabat KPDN Negeri dan Cawangan di seluruh Negara.

3. Sepanjang tahun 2023, **Bahagian Penguat Kuasa KPDN** telah melaksanakan aktiviti penguatkuasaan dan pemeriksaan berkaitan bekalan, harga, antipencatutan, ketirisan, cetak rompak, barang tiruan, halal, sewa beli, metrologi, skim anti piramid, jualan langsung, penipuan atas talian dan sebagainya.

4. Berdasarkan statistik penguatkuasaan **KPDN** bermula **1 Januari 2023** sehingga **31 Oktober 2023**, sebanyak **713,745** premis telah diperiksa di seluruh Negara dan daripada jumlah itu, sebanyak **10,937** tindakan kes telah diambil melibatkan pelbagai kesalahan dengan nilai rampasan berjumlah **RM82.14 juta**.

5. Selain itu, sebanyak **RM8.22 juta** kompaun juga telah dikeluarkan melibatkan **8,519** kes di seluruh Negara manakala **96** kes pula melibatkan tindakan pendakwaan di Mahkamah dengan jumlah keseluruhan denda sebanyak **RM2.3 juta** dalam tempoh yang sama.

6. Berdasarkan kepada tindakan kes pengkompaunan dan pendakwaan tersebut, sebanyak **1,490** kes yang melibatkan barang sitaan telah dilupus dan dijadikan hasil kerajaan seperti berikut:

- i. Hasil kutipan sementara dijadikan hasil kerajaan sebanyak **RM5.51 juta**.
- ii. Hasil jualan lelong, sebut harga, tender dan jualan terus sebanyak **RM3.44 juta**.
- iii. Pemusnahan barang-barang kes bernilai **RM29.58 juta**.

7. Nilai keseluruhan pelupusan barang kes yang dihasilkan adalah sejumlah **RM38.53 juta**. **KPDN** melalui tindakan penguatkuasaan telah mengutip sebanyak **RM49.04 juta** hasil dalam tempoh **Januari sehingga Oktober 2023** dan dijadikan hasil Kerajaan.

8. Bagi memastikan proses pelupusan barang rampasan ini dilaksanakan dengan teliti, teratur dan selamat, **Bahagian Penguat Kuasa KPDN** telah melantik **Pusat Pengurusan Sisa Buangan Terjadual Bersepadu Kualiti Alam**, peneraju dalam pengurusan sisa buangan terjadual bersepadu dengan kepakaran melebihi 30 tahun. Kesemua barang rampasan akan dilupuskan di loji "*Scheduled Waste to Energy*" menggunakan teknologi insinerator yang mana dari proses tersebut akan menjana tenaga elektrik untuk disalurkan kepada Grid Nasional.

9. Bagi memastikan kepentingan pengguna terus dipelihara dalam Negara, **KPDN** melalui Bahagian Penguat Kuasa akan meneruskan tindakan penguatkuasaan dan mengambil tindakan yang tegas dan adil ke atas mana-mana pihak yang melakukan kesalahan di bawah peruntukan undang-undang yang dikuatkuasakan Kementerian agar dapat mewujudkan suasana perniagaan yang adil dan kondusif.

10. Kementerian menggalakkan pengguna yang mempunyai sebarang maklumat berhubung salah laku oleh peniaga dengan mengemukakan aduan yang lengkap dan tepat kepada pihak Kementerian melalui saluran berikut:

- i. WhatsApp 019-279 4317 / 019-848 8000;
- ii. Portal e-Aduan KPDM iaitu <http://eaduan.kpdn.gov.my>;
- iii. Call Centre 1-800-886-800;
- iv. E-mel e-aduan@kpdn.gov.my;
- v. Aplikasi Telefon Pintar Ez ADU KPDM;
- vi. Bilik Gerakan Penguatkuasaan 03-8882 6088 / 6245, dan;
- vii. **Kod QR Aduan Bekalan:**



**YBHG. DATO' SERI MOHD SAYUTHI BIN BAKAR,
KETUA SETIAUSAHA,
KEMENTERIAN PERDAGANGAN DALAM NEGERI
DAN KOS SARA HIDUP,
PORT DICKSON, NEGERI SEMBILAN, 22 NOVEMBER 2023.**

###

LATAR BELAKANG

Kementerian Perdagangan Dalam Negeri dan Kos Sara Hidup (KPDN) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam Negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDN:

